


澗谷精選陸放翁詩上





煥誠嘉惠詞林之盛舉也前代詩多矣獨刻此者其有專尚而深契其心者歟翁才力放逸殆出天縱在李杜蘇黃而下故有定論誠不敢加喙其間獨喜由翁逮今餘三百禩僅得一劉戶部爲詩再行是何寥寥知賞之難也戶部名景寅癸丑進士所謂好古以實而不以名者騷壇慶快尚共賢之哉
弘治十年吳郡楊循吉謹序

揀着吟人苦心處吟時較易揀時難大父澗上翁題趙慶御手寫唐絕句結語也揀詩之難尚矣人謂刪後無詩非果無性情也特未有刪手爾族孫壽可以翁所選故翁陸先生詩刻本撫卷圭復涕淚盈睫悲夫善和書卷存者僅十一於千百而家藏膏馥蓋流潤人間寔多有能思叔敖而繡諸梓真亢宗事也第放翁天才豪邁筆勢遒勁屬事比偶不煩繩削是編若圈若點去取自有深意非後學

所能測識謂之有取於陸集可也謂即此以定陸集之刪削則未也然此特翁年少游戲細事爾遺編殘墨尚足得聲梁楚間獨不知後來一變至道亦有升堂入室而薰善良者否也手澤在笥頭期同志切磋之大德辛丑立夏日適孫慤百拜謹識

今按舊本此序止為澗谷所選者作

澗谷精選陸放翁詩集目錄

前集



放翁陸游務觀撰

澗谷羅椅子遠選

卷之一

古詩

蜀酒歌

與青城道人飲酒作

夏夜醉後有感

雨中登安福寺塔

怡齋

投梁參政

遊漢州西湖

醉後草書歌詩戲作

追補太液黃鵠歌

晚步

松驥竹

春夜讀書感懷

日出入行

夜漏欲盡行渡浮橋至錢清驛待舟

江月歌

和伯子

讀書

卷之二

古詩

偶過浣花感舊遊戲作

步出萬里橋門至江上

夜宿龍華山中寂然無一人方丈前梅花盛

開月下獨觀至中夜

臨別成都悵飲萬里橋贈譚德稱

聽琴

瑞草橋道中作

夜宿陽山磯將曉大雨北風甚勁俄頃符三

百里遂抵鴈翅浦

航海

江樓吹笛飲酒醉中作

長行歌

開歲半月湖村梅開無餘

一百五日行

對酒懷丹陽成都故人

登客

夏白紵二首

故蜀別苑在成都西南十五六里梅至多有

兩大樹夭矯若龍相傳謂之梅龍予初至

蜀常為作詩自此歲常訪之今復賦一首

芳華樓賞梅

遊仙

天王廣教院在戴山東麓予年二十時與老僧惠迪遊畧無十日不到也淳熙甲辰秋觀潮海上偶繫舟其門曳杖再遊恍如隔世登鶴鼻山至絕頂訪秦刻石且北望大海山路危甚人跡罕至也

十月二十六日夜夢行南鄭道中既寤恍然攬筆作此詩詩成時已五鼓

卷之三

七言八句

雨晴遊洞宮山坐間復雨
醉中到白崖而歸 深居

題丈人觀音之院壁

宿江原縣東十里張氏亭子未明而起

晚登橫溪閣二首 武擔東臺晚望

待青城道士不至 學射道中感事

登劔南西川門感懷

城上 早行

秋晚登城北門 醉中偶書

浣花賞梅 蜀苑賞梅

席上作 客愁

送梅 即席

舟過小孤有感 題齋壁

夜行宿湖頭寺

雪後出遊戲作

村居書觸目

感昔二首

夜半讀書罷出門徙倚久之歸賦短句

寓歎

卷之四

七言八句

柳林酒家小樓

上虞逆旅見舊題感懷

晝卧

醉歸

自上清延慶歸過丈人觀少留

躬耕

留題雲門草堂

望江道中

僧房假榻

曉晴間角有感

六月十四日宿東林寺

夢至成都悵然有作

金陵先寄獻劉留守

書感

雪下懷成都

西村醉歸

贈林使君

遣興

冬晚山房書事

又

得趙若川書因寄

夜歸醉中作

早秋

郊行夜歸書觸目

初夏幽居

卷之五

七言八句

雨中示子聿

遊山西村

秋雨初霽戲筆

作安

龜堂獨坐遣悶

春行

七十三吟

睡起至園中

踏踏

初春欲散步畏寒而歸

遣興二首

醉題埭西酒家二首

遊近山

書感

數日不出門偶賦

初冬

昨非

史院晚出

飽食

初春書懷

久雨

明日復理夢中意作

夏夜

老甚自詠二

卷之六

七言八句

舟中夜賦

賞花至湖上

春夏屢病至立秋而愈因自題

卜築

不聽小酌

歲晚

冬莫

題庵壁

泛舟澤中雨夜

秋懷

書感

舟中作

寓歎

村居

道室雜詠三首

遣興

晚泊松滋渡口

醉鄉

病中作

江樓醉中作

卷之七

七言八句

初春遣興三首

憶昔

二月二十四日作

晨起偶題

病中三君皆有歸志

秋日懷東湖

寄題陳魯山二首

燈下看梅

幽居書事

春晴暄甚遊西市游家園

出縣

寒食臨川道中

初夏道中

雨中泊趙屯

過廣安弔張才叔諫議

宿武連縣驛

羅漢驛翠望亭讀宋景文公詩

成都歲莫始微寒小酌遣興

快晴

東湖新竹

寓驛舍

寓舍書懷

午睡至暮

春陰

大寒出江陵西門

即事

暮春

夏日湖上

款牟鎮早行

成都書事

夜宴

卷之八

七言八句

行武擔西南村落有感

獨飲醉卧覺兒而夜半

城東馬上作

南定樓遇急雨

黃鶴樓

別建安

初寒有感

官居

遊鄞

六

六

六

六

六

六

六

六

六

六

六

登北榭

七言四句

平陽驛舍梅花

戲題

題畫燕

龍興寺弔少陵先生寓居

過靈石三峯二首

屈平廟

別建安

卷之九

七言四句

晚步江上

涪州

吾廬

登擬峴臺

縱筆

新年

休日行郡圃

看山

青村寺

叙州三絕

歸州重五

楚城

小園

湖上今歲遊人頗盛戲作二首

雜感二首

劍南道中遇微雨

三峽歌五首

春日絕句

閑中自詠

讀經

梅花絕句

雜興

聞鳥聲有感

七月十四夜觀月

巴東遇小雨

雪後尋梅二首

庚子正月十八日送梅二首

采蓮

建安遣興三首

排悶絕句三首

晚興

欲出遇雨

示子聿絕句

初夏絕句

小舟遊近村三首

一壺歌

觀梅至花徑高端叔解元見尋

雜題二首

雪中忽起從戎之興戲作二首

仗錫平老自都城回見訪索怡雲堂因為賦

三首

卷之十

五言八句

即事

溪行

寓歎

峽州甘泉寺

獨立

病中

一室

春晚苦雨

客有見過者既去喟然有作

致仕後述懷

孤村

遊山

春日

醉賦

小園

舟中作

歲晚書懷

野興

雨後涼甚

月夜江濱池納涼

長汀道中

病中作

冒雨登擬峴臺觀江漲

春雨

有叟

六月十四日微雨極涼

夜雨

悶極有作

春晚雜興

自述

梅天

獨夜

遊雲門諸蘭若

五言四句

題瑩上人剡溪畫

路傍曲二首

澗谷精選陸放翁詩集卷之一

放翁陸游務觀撰

澗谷羅梅子遠選

莆田澹峰

黃漳仲瀾重刊

古詩

蜀酒歌

漢州鵝黃鸞鳳雛不鷲不搏德有餘眉州玻黎天馬
駒出門已無萬里塗病夫少年夢清都會賜虛皇碧
琳腴文德殿門長奏書歸局黃封羅百壺十年流落
狂不除遍走人間尋酒壚青絲玉瓶到處酤鵝黃玻
黎一滴無安得豪士致連車倒瓶不用盃與盃琵琶
如雷聒坐隅不愁渴死老相如

與青城道人飲酒作

君不見大傅晚歲具海無歸欲極意東山遊翰林偶
脫夜郎謫大醉賦詩黃鶴樓兩賢窮達何足道同是
逸氣橫清秋我無一事行萬里青山白雲聊散愁有
酒不換西涼州無酒不典鸚鵡裘不作王猛傲晚坐
門蟲不作甯戚悲歌起飯牛五雲覆鼎金丹熟笙鶴
飄然戲十洲

夏夜大醉醒後有感

少時酒隱東海濱結交盡是英豪人龍泉三尺動牛
斗陰符一編役鬼神客遊山南夜望氣頗謂王師當
入秦欲傾天上河漢水淨洗關中胡虜塵那知一日

事大謬騎驢劔閣霜毛新却將覆瓿草撒手小詩點
綴西州春素心 雙願老巖壑大義未敢忘君臣雞鳴
酒解不成寐起坐肝膽空輪囷

雨中登安福寺塔

平生喜登高醉眼無疆界北顧極幽并東望跨海岱
喟然撫手歎從古幾成敗英雄如過鳥城郭但遺塊
今朝上黑塔千里曠無礙忽驚風霆劈坐覺天地晦
急雨挾龍腥溽暑爲摧壞皇天念蟠爵令我寄一快
那知書生狂自倚心眼大更思駐潼關黃河看如帶

怡齋

東湖仲夏草樹荒屋古無人亭午涼萱房微呀不見

日筍籜自解時吹香野藤蟠屈入牕罅濕茵扶踈生
屋梁跨溝數椽最幽翳漲水及檻雨敗墻靜涵青蘋
舞藻行閑立白鷺浮鴛鴦美藻雖瘦亦瀟漫照眼翠
蓋遮紅粧水紋玳筆欲卷却月團素弱嬾復將天風
忽送塔鈴語喚竟清夢游瀟湘

投梁參政

浮生無根株志士惜浪死雞鳴何預人推枕中夜起
游也本無竒折腰百僚底流雜鬢成絲悲咤淚如洗
殘年走巴峽辛苦爲斗米遠衝三伏熱直指九月水
回首長安城未忍便萬里袖詩叩東府再拜求望履
平生實易足名幸汗黃紙但憂死無聞功不掛青史

頗聞匈奴亂天意殄蛇豕何時嫖姚師大刷渭橋耻
士各奮所長儒生未宜鄙覆瓿草軍書不畏寒墮指

遊漢州西湖

房公一跌叢衆毀八年漢州爲刺史遶城鑿湖一百
頃島嶼曲折三四里小庵靜院穿竹入危榭飛樓壓
城起空濛煙雨媚松楠顛倒風霜老葭葦日月苦長
身苦閑萬事不理看湖水向來愛琴雖一癖觀過自
足知夫子畫船載酒凌湖光想公樂飲千萬塲歎息
風流今不泯兩川名醞避鵝黃漢州酒名鵝黃

醉後草書歌詩戲作

朱陵矯首隘八荒綠酒一舉累百觴洗我堆阜崢嶸

之曾次寫爲淋漓放縱之詞章墨翻初若鬼神怒字
瘦忽作蛟螭僵寶刀出匣揮雪刃大舸破浪馳風捲
紙窮擲筆霹靂響婦女驚走兒童藏往時草檄喻西
域颯颯聲動中書堂一朝放迹忽十載西掠三巴窮
夜卽山川荒絕風俗異賴有酒美猶能狂醉中自脫
頭上憤綠髮未許侵微霜人生得喪良細事孰謂老
大多悲傷

追補漢太液黃鵠歌

建章宮裏春風寒太液水生池面寬中人馳奏黃鵠
下龍旗豹尾臨池看芹香藻暖鵠得意左右從官呼
萬歲須臾傳詔宴公卿噓聲如雷動天地時平宮省

樂遊多黃鵠刷羽涵恩波小臣珥筆龍墀下願繼前
朝天馬歌

晚步

院荒有古意僧少無人聲徘徊楠陰下賞此落日明
著書亦何急寂寞身後名今年復止酒歌舞陳空觥
不如且逍遙出門隨意行看竹入廢園望江上高城
纖纖素月出靄靄蒼煙橫此夕當復竒緜山吹玉笙

松驥行

驥行千里亦何得垂首伏櫪終自傷松閱千年棄澗
壑不如殺身扶明堂士生抱材願少試誓取燕趙歸
君王閉門高臥身欲老聞雞相蹴淚數行正令啾嚶

死牀篋實豈若橫身當戰場半酣浩歌聲激烈車輪百
轉盤愁腸

春夜讀書感懷

荒林杲獨嘯野水鵝群鳴我坐蓬牕下答以讀書聲
悲哉白髮翁世事已飽更一身不自恤憂國涕縱橫
永懷天寶末李郭出治兵河北雖未下要是復兩京
三千同德士百萬羽林營歲周一甲子不見胡塵清
賊酋實孱主賊將非人英如何失此時坐待姦雄生
我死骨即朽青史亦無名此詩倘不作丹心尚誰明

日出入行

吾聞開闢來白日行長空扶桑誰能到崦嵫不可窮

但見旦旦升天東但見暮暮入地中使我倏忽成老
翁鏡裏衰顏垂雙蓬我願一日一百二十刻我願一
生一千二百歲四海諸公常在座綠酒金樽終日醉
高樓錦繡中天開樂作畫鼓如春雷勸爾白日無西
頽常行九十萬里胡爲哉

夜漏欲盡行渡浮橋至錢清驛待舟

潮生抹沙岸雲薄漏月明江頭曉色動鴉起人未行
扶藜度長橋仰視天宇清遙憐繫舟人聽我高履聲
水檻得小憇一笑拄杖橫澄漪弄清影微風吹宿醒
湛然方寸間不受塵事櫻寄語市朝人此樂未易名

江月歌

放翁平生一釣船秋水未落江渺然露洗玉宇清無
煙月輪徐行萬里天人間聲利何足捐浩歌看月冷
不眠孤鶴掠水來翩翩似欲駕我從此仙我寓紅塵
今幾年倪首韉鎖常自憐樂哉揮手過月邊西風未
凋玉井蓮

和伯子

齋戒扣頭牋天公幸矣使我爲枯蓬枯蓬於世百無
用始得萬里乘秋風我生安然在貧賤白髮蕭蕭對
黃卷今人雖賢有不覲古人却向書中見猿啼月落
寒山空舊隱夢寐思東象不願峩冠赤墀下且可短
劍紅塵中終年無人問良苦眼望青天唯自許可憐

對酒不敢豪他日空澆墳上土文章最忌百家衣火
龍黼黻世不知誰能養氣塞天地吐出自足成虹蜺
渡江諸賢骨已朽老夫亦將正丘首杜郎若瘦帽攬
耳程子若貧衣露肘君復着意尋齊盟始知衰懦畏
後生大篇一讀我起立喜君得法傳家庭鯤鵬自有
天池着莫謂太狂須束縛大機大用君已傳那遣老
夫安注脚

讀書

讀書四更燈欲盡胷中太華蟠千仞仰呼青天那得
聞窮到白頭猶自信策名委質本爲國豈但空取黃
金印故都即今不忍說空宮夜夜飛秋燐士初許身

輦稷契歲晚所立慙廉藺正看憤切詭成功已復雍
容託觀釁雖然知人要未易詎可例輕天下士君不
見長松卧壑困風霜時來屹立扶明堂

澗谷精選陸放翁詩集卷之一

前集

澗谷精選陸放翁詩集卷之二

前集

古詩

偶過浣花感舊遊戲作

憶昔初爲錦城客醉騎駿馬桃花色二人携手上江
樓一笑鉤簾賞微雪寶釵換酒忽徑去三日樓中香
未滅市人不識呼酒仙異事驚傳一城說至今西壁
餘小草過眼年光如電掣正月錦江春水生花枝闕
處小舟橫閑倚胡床吹玉笛東風十里斷腸聲

步出萬里橋門至江上

久坐意不懌掩卷聊出遊一筇吾事足安用車與騶
浮生了無根兩踵躡百州常憶航巨海銀山卷濤頭

一日新雨霽微茫見流求西行亦足快縱獵南山秋
騰身刺猛虎至今血濺裘命薄每自笑校尉畧已侯
短劍隱市塵浩歌醉江樓頗疑屠博中可與共奇謀
丈夫等一死滅賊報國讎徒倚萬里橋寒日墮前洲
宿龍華山中寂然無一人方丈前梅花盛開
月下獨觀至中夜

梅花如高人枯槁道愈尊君者在空谷豈比倚市門
我來整冠佩紫齋三沐熏亦思醉花下燕惰恐瀆君
敬抱綠綺琴玄酒挹古樽月明流水間一洗世濁昏
摹寫香與影計君已厭聞老我少傑思尚喜非陳言

臨別成都悵飲萬里橋贈譚德稱

成都城南萬里橋蘆根蘋末風蕭蕭映花碾草紅車
小駐波鷺澗青驄驕入門翠經絕窈窕臨水飛觀何
岩堯判無功名者不朽惟伏詩酒寬無聊清霜早已
足雉兔微冷便欲思孤貂青者綫鱸映盤箸恨欠斫
蟹加橙椒坐中譚侯天下士龍馬毛骨矜超遙烏犀
白紵謫仙樣但可邂逅不可招今年一戰馘餘子風
送六翮凌青霄美人再拜乞剝市醉墨飛落生蛟綃
我衰於世百無用十年不趨含元朝華纓肯傍蕭娘
鬢寶帶那束龍鍾腰祝君好去事明主日望分喜來
漁樵遊談引類亦細事寄酒且解相如消

聽琴

踈簾曲檻頰風涼細腰美人藕絲裳綠藤水紋穿矮
牀玉指纖纖濯雪霜高林鶯轉日正長幽澗泉鳴夜
未央哀思不怨和而莊有齋淑女禮自防世人但感
青樓倡琵琶色筆後雜胡羌試聽一曲醒彼狂文姬指
法傳中郎

瑞草橋道中作

經年簿書無少暇欵段今朝欣一跨瑞草橋邊水亂
流青衣渡口山如畫老翁醉着看龍鍾小婦出窺聞
姪姪荒陂吹笛晚呼牛古路倚梯晨採柘殘花零落
不禁折香草丰茸如可藉郵亭慈竹筍穿籬野店蒲
萄枝上架功名垂世端有待利欲昏心喜乘鐔羈窮

自笑豈入謀閑放每欲從天借草根蟲語抵自悲風
裏蓬征安稅駕祖師補處浣花村會傍清江結茅舍
夜宿陽山磯將曉大雨北風甚勁俄頃行三
百里遂抵馮翅浦

五更顛風吹急雨倒海翻江洗殘暑白浪如山潑入
船家人驚怖篙師舞此行十日苦滯留我亦蘆叢厭
鳴榔書生快意輕性命十丈蒲帆百夫舉星馳電驚
三百里坡隴聯翩雜平楚船頭風浪聲愈厲助以長
笛搗鼉鼓豈惟澎湃震山嶽直恐煩洞連后土起看
草木盡南飛水鳥號呼集洲渚稽首龍公謝風伯區
區未禱煩神許應知老去負壯心戲遣窮途出豪語

航海

我不如列子神遊御天風尚應似安石悠然雲海中
目看十幅蒲彎鳶若張弓潮來湧銀山忽復摩青銅
飢鶻掠船舷大魚舞虛空流落何足道豪氣蕩肺腑
歌罷海動色詩成天改容行矣跨鵬背弭節蓬萊宮
江樓吹笛飲酒大醉中作

世言九州外復有大九州此言果不虛僅可容吾愁
許愁亦當有許酒吾酒釀盡銀河流酌之萬斛玻瓈
舟酣宴五城十二樓天爲碧羅幕月作白玉鈎織女
織慶雲裁成五色裘披裘對酒難爲客長揖北辰相
獻酬一飲五百年一醉三千秋却駕白鳳駮班虬下

與麻姑戲玄洲錦江吹笛餘一念再過劔南應小留

長歌行

我無四目與兩口但在人間更事久死生元是開闔
眼禍福正如翻覆手消磨日月幾緲屐陶鑄唐虞一
盃酒旣非狗馬要蓋惟那計風霜悴蒲柳竈突無煙
今又慣龜蟬與我成三友判知青史無功名只用一
飢虫不朽

開歲半月湖村梅開無餘

梅花如高人妙在一丘壑林逋語雖工竟未脫纏縛
乃知尤物側天下無縈作老我懷不紓樽前幾開落
一百五日行

一百五日東郊時陂塘水滿雨如絲人家青煙不禁
火俚浴豈復思子推舊墳年多木已拱新墳積土高
纍々老鴉飛來復飛去紙錢雨濕掛樹枝深松茂栢
死自樂地下應笑生人悲眼中青山身後塚此事決
定君何疑風吹雲破日下照小灘碎礫光陸離停車
暫憇道傍舍解囊且補殘春詩

對酒懷丹陽成都故人

勞生常羨觸駿樂死時却悔生時錯花前有酒不肯
狂回首朱顏已非昨君看古來賢達人終日飲酒全
其真世間萬事竟何有金樽翠杓差閑身故翁少日
無閑客飛觴縱樂皆豪傑清歌一曲梁塵起腰鼓百
面春雷發故人仙去蓬萊宮鸞絲鳳竹舞春風石枕
山下孤舟雪一段清愁付此翁

答客

人生各有營爲吏最無策其間小黠者但肯乘下澤
絕筆光範書掃迹翹材客早收畏塗身未老歸阡陌
嗟予昧擇術誤計真累百衰容始知悔泯默每自責
孤舟寄渺莽尚恨江湖近客來勿多談窮命不禁嚇

夏白紵二首

帖有四月白紵亦謂吐賦一詩者丙申五月在成都

雲母屏薄望如空水晶簾疎不礙風美人獨立何所
似白玉芙蓉秋水中素綃細織水蠶蠶綾清寒不受人
間暑晚來浴罷綠牕閑自把新詩教鸚鵡

翔鸞矯矯離風塵眼明見此絕代人
紗牕弄筆消永日
臨得黃庭新逼真
飛梭縹緲今何夕
月與玉人同一色
下簾不爲九霄寒
自要玲瓏看團壁

故蜀別苑在成都西南十五六里
梅至多有兩大樹
天矯若龍
相傳謂之梅龍
予初至蜀嘗爲作詩
自此歲常訪之
今復賦此

昔年曾賦西郊梅
茫茫去日如飛埃
即今衰病百事嬾
陳迹未忘猶一來
蜀王故苑犁已遍
散落尚有千雪堆
珠樓玉殿一夢破
煙蕪牧笛遺民哀
兩龍卧穩不飛去
鱗甲脫落生莓苔
精神每遇雪月見
氣力若戰冰霜開
羈臣放土臥獨立
淑姬靜女知誰媒
摧傷

雖多意愈厲
直與天地爭
春回蒼然老
氣壓桃李笑
我白髮心尚孩
微風故爲作嫵媚
一片吹入黃金壘

芳華樓賞梅

素娥竊藥不奔月
化作江梅寄幽絕
天工丹粉不敢施
雪洗風吹見真色
出籬藏塢香細細
臨水隔煙情脉脉
一春花信二十四
縱有此香無此格
放翁年來百事慵
惟見梅花愁欲破
金壺列置春滿屋
寶髻斜簪光照坐
百盃淋漓玉掌飛
萬人辟易銀鞍過
不惟豪橫壓清驪
聊爲詩人洗寒餓

遊仙

飄飄：鸞杳難攀
萬里東遊海上山
應有世人遙稽

首紫蕭餘調落雲間初珥金貂謁紫皇仙班最近玉
爐香爲憐未慣層霄冷獨賜流霞九醞觴玉殿吹笙
第一仙花前奏罷色凄然憶曾偷學春愁曲謫在人
間五百年

天王廣教院在叢山東麓予年二十時與老
僧惠迪遊畧無十日不到也淳熙甲辰秋觀
潮海上偶繫舟其門曳杖再遊恍如隔世
遊山如讀書深淺皆可樂道傍小精舍亦自一丘壑
淒涼四十年始復重着脚老生逝已久講坐塵漠
當時童子輩衰鬢亦蕭索掃壁觀舊題歲月真電
文章卑不傳衣食窘如昨出門意惘然遼海渺孤鶴

登鵝鼻山至絕頂訪秦刻石且北望大海山
路危甚人跡罕至也

街頭旋買雙芒屨作意登山殊不惡蒼崖無罅竹鞭
逸崩谷如墜松根絡憑高開豁快送目歷險崎嶇危
着脚川雲忽起兩蛟舞瀑水高吹萬珠落大巖空控
誰所剗絕壁峭立端疑削坡平或可容百人峽束僅
容飛一鶴蛇蹊岌岌頭自眩鬼谷慘慘神先愕秦皇
馬迹散莓苔如鐫非鐫鑿非鑿殘碑不禁野人燎造
物似報焚書室人民城郭俱已非煙海浮天獨如昨
十月二十六日夜夢行南鄭道中旣覺恍然
攬筆作此詩詩成時已五鼓

孤雲兩角不可行望雲九井不可度
天漢水滔々日東去高皇試劍石爲分
故處將壇坡陀過千載中野疑有神
物護我時在幕府來往無晨暮夜宿
沔陽驛朝飯長木鋪雪中痛飲百盃
空蹴踏山林伐孤兔耽々北山虎食
人不知數孤兒寡婦誰不報日落風
生行旅懼我聞投袂起大呼聞百步
奮戈直前虎人立吼裂蒼崖血如注
從騎三十皆秦人面青氣奪空相顧
國家未發度遼師落暝人間傍行路
對花把酒學醞藉空辱諸公誦詩句
即今衰病臥在床振臂猶思備征戍
南人孰謂不知在昔者亡秦楚三戶
故翁詩集卷之二前集

澗谷精選陸放翁詩集卷之三

前集

七言八句

雨晴遊洞宮山坐間復雨

近水松篁鎖翠微。洞。天。宮。殿。對。清。輝。
快。晴。似。爲。醱。醖。計。急。雨。還。妨。燕。子。飛。
道。士。晝。閑。丹。竈。冷。山。童。曉。出。柴。苗。肥。
拂。床。不。用。勤。留。客。我。因。文。書。自。怕。歸。

醉中到白崖而歸

醉眼朦朧萬事空。今年痛飲漢西東。
偶呼快馬迎新。月。却。上。輕。輿。御。晚。風。
行。路。半。生。常。是。客。丈。夫。八。十。未。稱。翁。
亂。山。缺。處。如。橫。縹。緲。指。孤。城。翠。霧。中。
深居

作吏難堪簿領迷。深居聊復學幽棲。病來酒戶何妨小。老去詩名不厭低。零落野雲寒傷水。霏微山雨晚成泥。自憐甫里家風在。小摘殘蔬遠廢畦。

題丈人觀道院壁

斷煙浮月磬聲殘。木影如龍布石壇。偶駕青鸞塵世窄。閑吹玉笛洞天寒。竒香滿院長欬藥。異氣穿岩夜浴丹。却笑飛仙未忘俗。金貂猶着侍中冠。

宿江原縣東十里張氏亭未明而起

寸廩驅人卒歲勞。一官坐失布衣高。劔南十月霜猶薄。江上五更雞亂號。孤枕擁衾尋短夢。青燈照影看征袍。客愁相續無時斷。那得并州快剪刀。

晚登橫溪橋二首

樓鼓聲中日又斜。憑高愈覺在天涯。空桑客土生秋草。野渡虛舟集晚鴉。瘴霧不開連六詔。俚歌相答帶三巴。故鄉可望應添淚。莫恨雲山萬疊遮。
犖确坡頭筇竹枝。西臨村路立多時。賣蔬市近還家早。煮井螿人忙下麥。逢病客情懷常怯。酒山城光景盡供詩。晚來試問愁多少。只託高樓橫笛吹。

武擔高臺晚望

顛顛西牕已一翁。登高意氣尚豪雄。關河霸國興亡後。風月詩人醉醒中。病起頓驚雙鬢改。春歸一掃萬花空。攔邊徙倚君知否。直到吳天日未窮。

待青城道士不至

我亦從來薄世緣，偶然采藥到西川。
慵追萬里騎鯨客，且伴十年化鶴僊。
金鼎養丹噉海日，玉壺取酒醉江天。
朝來坐待方平事，讀盡黃庭內外篇。

學射道中感事

學射山前宿，兩收籃輿。咿軋自生愁，得閑何惜領家。
釀漸老，真須秉燭遊道廢，尚書猶乞米時來。校尉亦封侯，自怜白首能豪在，車轍何因遍九州。

登劔南西川門感懷

自古高樓傷客情，更堪萬里望吳京。
故人不見暮雲合，客子欲歸春水生。
瘴癘連年須藥石，退藏無地著

柴荆諸公勉畫平戎策，投老深思看太平。

城上

疾步登城殊未衰，欣然一笑擲筇枝。
正當閑似白鷗，慶不減健如黃犢時。
秋野煙雲橫慘淡，暮天樓閣倚參差。
高吟醉舞忘歸去，乞與丹青畫怪奇。

早行

嗚雞促起程，翻翻飛鷺導孤征。
節旄盡脫歸猶遠，帶眼頻移瘦自驚。
小市蕭條黃葉滿，斷橋零落綠苔生。
居人猶復多愁患，何況天涯倦客情。

秋晚登城北門

幅巾藜杖北城頭，卷地西風滿眼愁。
一點烽傳散關

信兩行馬帶杜陵秋山河興廢客搔首身世安危人
倚樓橫槊賦詩非復昔夢魂猶繞古梁州

醉中偶書

古寺閑房閉寂寥幾年耽酒負公朝青山是處可埋
骨白髮向人羞折腰未路自悲終老蜀少年常願從
征遼醉來挾箭西郊去極目寒蕪雉兔驕

浣花賞梅

老子人間自在身挿梅不惜損烏巾春回積雪層冰
裏香動荒山野水瀟帶月一枝低弄影背風千片遠
隨人石家樓上貪吹笛肯放朝朝玉樹新

蜀苑賞梅

十里温香撲馬來江頭還見去年梅喜開刺欲數明
月愁落先教掃綠苔跌宕故翁新醉墨淒涼癡死舊
歌臺盛衰自古無窮事莫向昆明歎劫灰

席上作

綠波畫漿浣花船清簟踈簾角黍筵一幅葛巾林下
客百壺春酒飲中仙散懷絲管繁華地寄傲江湖浩
蕩天浮世深沈何足計丹成碧落珥貂蟬

客愁

騎馬出門無所詣端居正爾客愁侵蒼顏白髮入衰
境黃卷青燈空苦心天下極知須雋傑書生何恨死
山林消磨未盡骨中事梁甫時尚一吟

送梅

零落梅花不自由，斷腸容易付東流。與人又作經年別，問月應知此夜愁。已是狂風卷平野，不禁橫笛起危樓。何時小雪山陰路，處處尋香繫釣舟。

即席

解鞅名園眼倍明，慙慙翠袖勸飛觥。海棠紅杏欲無色，蛺蝶黃鸝俱有情。去日不留春漸老，歸舟已具客將行。倦遊短鬢無多綠，生怕樽前唱渭城。

舟過小孤有感

小孤山畔峭帆風，又見煙鬟縹緲中。萬里客經三峽路，千篇詩費十年功。未嘗滿盜蒲芽白，先看堆盤鱸膾

縷紅商畧人生爲何事一策從此入空濠

題齋壁

算得湖邊屋數椽，茅齋低小竹牕妍。墟煙寂歷歸村路，山色蒼寒釀雪天。性懶杯盤常偶爾，地偏雞犬亦脩然。早知栗里多幽事，虛走人間四十年。

夜行宿湖頭寺

卧載籃輿黃葉村，疎鍾杳杳隔溪聞。清霜十里伴微月，斷鴈半行穿亂雲。去國不堪心破碎，平戎空有膽輪困。泗濱樂不應如舊，誰勒中原第一勳。

雪後出遊戲作

小巘平岡雪陸離，幽人又賦探春詩。典琴沽酒元非

俗看衰觀碑又一奇大度乾坤容落魄多情風月笑
衰遲吾生也似梅花淡燕未歸來蝶未知

村居書觸目

雨霽郊原刈麥忙風清閭巷曬絲香人饒笑語豐年
樂吏省徵科化日長枝上花空閑蝶翅林間甚熟滑
鶯吭飽知遊宦無多味莫恨爲農老故鄉

感昔二首

三署朝冠入上都黃封頻醉渴相如馬慵立仗寧辭
斥蘭偶當門敢怨鋤富貴尚思還此笏衰殘自合愛
吾廬燈前目力依然在且盡山房萬卷書
五丈原頭秋色新當時許國欲忘身長安之西過萬

里北斗以南惟一人往事已如遼海鶴餘年空羨蒼
天民腰間白羽凋零盡却照清溪整角巾

夜半讀書罷出門徙倚久之歸賦短句

浩歌曳杖出柴扉不管三更露濕衣擬看林梢殘月
上偶逢浦口斷雲歸驚鳴脫網寒相倚飢鶻思巢夜
亦飛却掩北牕誰晤語聊憑香盞洗塵機

寓歎

千載前人每暗同眼邊俗客馬牛風作文似可張子
布飲酒思從陳孟公平世氛埃成潦倒幾時衰釣入
空濛一生處々皆堪老莫怕無山看此翁

澗谷精選陸放翁詩集卷之三

前集

澗谷精選陸放翁詩集卷之四

前集

七言八句

柳林酒家小樓

桃花如燒酒如油緩轡郊原常自遊微倦放教成午
夢宿醒留得伴春愁遠塗始悟乾坤大晚節偏驚歲
月遒記取清明果州路半天高柳出青樓

上虞逆旅見舊題歲月感懷

舡艫爲家東復西今朝破曉下前溪青山缺處日初
上孤店開時鶯亂啼倦枕不成千里夢壞墻開覓十
年題漆園傲吏猶非遠物我區々豈足齊

畫卧

秋暑侵人氣力微燒香高枕掩柴扉弄姿野蕩晴猶
飲音委作態江雲晚未歸身外極知皆夢事世間
隨處有危機故山松菊今何似晚矣淵明悟昨非

醉歸

持酒江頭到夕霏愁城頓覺解重圍澄波宜月移船
看醉面便風走馬歸末路已驚添白髮故人頻報上
黃扉強隨宦簿成真嬾乞我吳松舊釣磯

自上清延慶歸丈人觀少留玉華樓

再到蓬萊路欲平却吹長笛過青城空山霜葉無行
迹半嶺天風有嘯聲細棧跨雲縈峭絕危樓飛柱插
澄清玉華更控青鸞住要與闌干待月明

躬耕

莫笑躬耕老蜀山也勝乘把仰園官喚回癡夢塵機
息空盡閑愁酒地寬無復短衣隨李廣但思微雨過
蘇端十年世事茫如海輸與閑人靜處看

留題雲門草堂

小住初爲旬月期二年留滯未應非尋碑野寺雲生
屨送客溪橋雪滿衣親滌硯池餘墨漬卧看爐面散
煙霏他年遊宦應無此早買漁蓑未老歸

望江道中

吾道非耶來曠野江濤如此去何之起隨烏鵲初翻
後宿及牛羊欲下時風力漸添帆力健鱗聲常雜鴈

聲悲晚來又入淮南路紅樹青山合有詩

僧房假榻

過盡青山喚渡船晚牕洗脚卧僧籠剩債平日清遊
願更結來生熟睡緣吞啄漸稀如老鶴鳴聲已斷似
寒蟬旁觀莫若嘲癡頓此妙吾宗祕不傳

晚晴聞角有感

暑雨初收白帝城小荷新竹夕陽明十年塵土青衫
色萬里江山盡角聲零落親朋勞遠夢淒涼鄉社負
歸耕議即博士多新奏誰致當時曾二生

十四日宿東林寺

看盡江湖千萬峯不嫌雲夢芥吾甯戲招西塞山前

月來聽東林寺裏鍾遠客豈知今再到老僧能記昔
相逢虛牕熟睡誰驚覺野碓無人夜自舂

金陵先寄獻劉留守

梁益羈遊道阻長見公便覺意差強別都王氣半空
紫大將牙旗三丈黃江面水軍飛海鷲帳前羽箭射
天狼歸來要了浯溪頌莫笑狂生老更狂

夢至成都悵然有作

春風小百錦城西翠箔珠簾客意迷下盡牙籌閑縱
博刻殘畫燭戲分題紫氍毹暖帳中醉紅叱撥驕花
外嘶孤夢淒涼身萬里令人憎殺五更雞

又

宦途元不羨飛騰錦里豪華壓五陵紅袖引行遊玉
局華燈圍坐醉金繩階前汗血洮河馬架上霜毛海
國鷹世事轉頭誰料得一官南去冷如水

書感

溪路人家尚闔扉強扶衰憊着征衣百年朝露古牙
歎一摧秋風吾欲歸楚客長號沽白壁漢宮大息遣
明妃錄金銷骨從來事老矣何心踐駭機

雪中懷成都

憶在西州遇雪時繡筵處々百花園鳥絲闌展新詩
就油壁車迎小獵歸感事鏡寫悲獨舞寄書筆鴈恨
慵飛愁多自是難成醉不爲天寒酒力微

西村醉歸

俠氣崢嶸蓋九州一生常耻爲身謀酒寧剩欠尋常
債劍不虛施細碎離岐路凋零白羽箭風霜破弊黑
貂裘陽狂自是英豪事村市歸來醉跨牛

贈林使君

使君物外閱年華厭聽奴兵早暮樹雙屐蹋雲呼野
渡一瓢邀月醉梅花紅爐點汞閑銷日烏几繡經不
憶家我亦崐山有歸處約君同載沂三巴

又

松檜陰中百步廊我來剝啄叩琳房魚腸寶劍餘蛟
血鴉觜金鈿帶藥香弱水蓬萊風浩々赤明龍漢劫

茫茫何妨付與神丹訣
教跨青鸞入帝鄉

遣興

壯年一箭落雙鷗
野餉如今懶藥苗
寒與梅花同不
睡悶尋鸚鵡
說無憀
烏絲闌上詩初就
綠綺聲中酒
半銷老去可
怜風味在
未應山海混
漁樵

冬晚山房書事

山澤何妨老
太平曉之骨
相本來清
月明滿地
看梅影
露下隔溪
聞鶴聲
未辨藥苗
逢客問
欲酬琴價
約僧評
胡奴仁祖
今俱絕
且學湘纍
拾菊英

屏迹山村病日增
烏皮几穩得閑凭
凍雲傍水封梅
萼嫩日烘
爐釋硯冰
歲盡光陰饒
衰之身閑
醉夢且

騰之蠻童採藥歸
來晚客至從
嘆喚不應

得趙若川書因寄

澤居路絕人不到
晨起忽傳雙鯉魚
儲疾一升悲世
事減愁三尺
看君書
龍墀對策言
傷直山邑迎
親計未疎
老病閉門誰
省錄因風時
肯問何如

夜歸醉中作

意薄揚脩喚小兒
孤舟自笑髮成絲
放開癡腹無非
夢拈起幽懷
總是詩
霜下忽驚桐
葉盡灘生
更覺水聲奇
餘年那恨驅
黃犢除却爲
農百不宜

早秋

落鬼巴山號放翁
斯名歲晚亦成空
酒醒暹夜孤舟

雨睡美清秋一榻風駭浪千重無死地神丹九轉有新功雲端不遇飛仙過誰顧幽人寂寞中

郊行夜歸書觸目

老翁病起厭端居隨意東西不問途霜野草枯鷹鳥欲下江天雲濕鴈相呼空垣破竈逃租屋青幔紅燈賣酒爐未畏還家蹋泥濘園丁持炬小兒扶

初夏幽居

昔如轉戰墮重圍今幸騫翔脫駭機曉樹好風鶯獨語夜牕細雨燕相依安居不恨蝸廬窄得食寧論鶴料微更喜暮年強健在又看刀尺製縑衣

澗谷精選陸放翁詩集卷之四

前集

程